



ILLVSTRISSIMO VIRO DOMINO D.

# CLAVDIO BOVTHILLIER

## SVMMO GALLICI ÆRARIJ PRAEFECTO

### ET MAXIMO VTRIVSQUE ORDINIS QVÆSTORI.

F.M.P.  
JULIEN

**H**ÆC Medicina praeludia in tuo nomine cur appareant, quispiam mirabitur (Vir Illustrissime) verum si qua sit dignitas, & humanitas tua, is reputabit, omnem illico deponet admirationem. Sicenim Deus te finxit, ut à congressu tuo neminem absterreas, imò verecundis tui copiam ultro facias, ad eum te gradum Rex euexit, ut interna pacis externique belli nervos moueas, & velut irrita sint victricis majestatis dona, qua rata non habueris. Criminandus essem, si hoc in genere tuam expertus beneficentiam aliquod grati animi monumentum non exhiberem. A deuincto igitur cliente hoc qualecunque fidei signum tibi consecratur, quod & aliis de causis consecrari debuit. Etenim Heroicus ille omnium virtutum chorus, qui communes tibi applausus conciliat, & firmus in arate senili vigor mundum non senescere clarè demonstrant, cœlites itaque Regi & regno te diu sossitent, vir illustrissime, quem fortunarum mearum & sententiarum authorem feliciter nactus sum. Vale

Tibi addi&issimus,

IOANNES GVISSE



# QVÆSTIO MEDICA.

QVODLIBETARIIS DISPV TATIONIBVS MANE  
DISCV TIENDA IN SCHOLIS MEDICORVM DIE MERCVRII VLTIMA DECEMB.

M. IOANNE VACHEROT, Doctore Medico Moderatore,

*An mundus senescat?*

904

**Q** VÆ præcipuis mundi partibus adiudicatur constantia, & perennis veluti iuuentus, eadem ab vniuerso mundo non est abiudicanda; cum non aliæ sint huius & illarum affectiones. Mundus autem *ἡ γὰρ οὐρανὸς ἀστέρες δὲ ἕρποντες* constat naturis spiritalibus & corporeis, quarum ordo tam concinnus est, vt inferiores vbique pendeant à superioribus. Senectutem cœlitibus assignere piaculum est. Quare nihil tam videtur admirabile quàm immutabiles cœli mutationes, immensum enim illud Dei præpotentis opificium continuò sine defatigatione conuertitur prospero nobis & aduersos astrarum fulgores repræsentans. Solis porro & Lunæ virtus præ cæteris elucet: ille accessu & recessu varias efficiens tempestates ex semine & sine semine infinita procreat. Hæc vero licet aliena luce fulgens, plurima tamen mōlitur, quæ peculiari & insitæ non deneganda potestati. Cùm pleno viget orbe, frigida & humida corpora, qualia mulieribus obtigerunt, stupendo exagitat dominatu; & cerebri motu cùm naturali tum voluntario carentis molem supra modum adaugendo, tam expeditè moueri prohibet.

**M** VLT A nos debere fateamur elementis necesse est, à quibus alteram nostri partem accepimus. Illa si quid habere videntur impuritatis aut incommodi, id in nostros vsus commodaque referunt ac refundunt, vel tum maximè cùm inter se nullis propè induciis, ad rerum sublunarium generationes decertant. Hoc certamen non modò sine vniuersali cuiusquam interitu, sed nequidem cum insigni virium aut molis imminutione transigitur. Victum vincti spolia retrahit, sicque æquo Marte fit recessus; quodd vnumquodque ex simplicibus illis corporibus *ἰσχυρὰ* qualitatum *ἰσχυρὰ* obtineat: an verò pauciores aer hunc aut calor, aut humoris gradus quàm olim ostentat? Et quamquam secundas eius vt & cæterorum qualitates cum primis de dignitate contendere nolim, suam tamen illas omnes à formis originem, quam aliunde repetere fatius & verius puto.

**N** EQVE iam ignauius quàm nascente mundo ad rerum omnis generis effectiones eadem conspirant elementa; Varij quidem mixtorum sunt ordines, sed habet suam hæc varietas legem & constantiam. Metalla & id genus inanitata quæ nullis crescendi terminis circumscripta aut definita compinguntur, sol procreat in terræ visceribus. Communis omnium parens, tam elementis altri benignitate intimè perfusa aureum non modò seculum reuocat, sed innumerabiles insuper dissimilium plantarum satus effundit, quibus eandem atque in exortu rerum vim primigeniam, idem pretium impertit. Imo verò telluris ipsius compago & moles quam iniqui æstimatores rudem, & indigestam vocauerunt, artificioso labore improboque exulta, ferensque omnia liberius, mutauit glandes vtiliore cibo. Sed quæ stirpibus natura non defuit eadem illa brutis animantibus deesse nec potuit, nec sanè voluit, quæ cùm ad hominis vtilitatem nascantur omnes, iis carere dotibus & vitæ commodis non debuere, quibus tam rectum finem assequerentur. En & Alpium iuga nostrorum iumentorum armos præcis de robore nihil concedere sensere nuper, & venandi studio si quis iam flagrat æquæ veloces spartæ catulos acremque molossū, æquæ ramosa ceruorum cornua ac veterum Heroum temporibus deprehendit.

**P** ER ENNA NS in plantis ac pecudibus vigor, & à præcis hominibus in nos similiter propagatus & deriuatus vniuersum genus ab omni senectute vindicat, eosdem viuendi, crescendi, generandi terminos mordicus retinet. Altæ mentis capax & consilij plenum animal ne intereat, gnauiter prouident iuueniles senilesque nuptiæ, vnde incredibilis *μυριάων* numerus, qui paternum maternumque semen non degenerare palam testatur, cum vtrumque efficiendi virtute polleat plurimū, & vegetam vim nostri opificem, & conseruatricē promat. Hæc in præsentī, non difficilius quam retro actis seculis, vel ignè ad pedes deprimat, vel aquam ad oculos tollit ad cōmicantes ac lucidos, vt ab illis in videndo, quidpiam emitti potius quàm admitti facile credere, nisi sensui repugnaret ratio. Vis eadem fœtum, & post conformationē anima rationali informatur, cuiusque mēbra sic delineat, & instituit, vt cordi *ἡρῶν τὸ θυμὸν* & τὸ σπὴν totius corpusculi principatum attribuat, partēque spermaticas quibus humor primigenius, & calor natiuus vt plurimū non degener insidet, carnosus nullatenus frigidiores efformet.

**H** VMIDVM illud ab ortu congenitum, quod caloris *ἡρῶν* sedes est, ex cuius vbertate, & idonea qualitate, variaque in agendo & resistendo facultate vitæ felicitas, salubritas, & diuturnitas petenda venit, viuifico maiorum nectari nulla ratione cedit: fœtus ipse paribus temporis intervallis non solum conformatur, eoque agitur motu, qui naturæ potius quàm voluntati ascribendus (se enim in vtero viuere significat) sed in lucem quoque festinat, & prodit, quo vel tum primū inspecto natiuum indolem ac temperamentum (quod concentus quidam non qualitas forsan dici potest) apertè cognoscimus, *ἡρῶν* similiarium partium diathesis, accurata dissimiliarium conformatio vitæ sunt longissimæ, longæque proles signa simul & causæ. Porro ex dapibus vel rediuiuo ipso Apicio teste Siculas dulcedine superantibus æquæ laudabiles succos seu quatuor humores elici minimè dubitandum. Neque calidior amiorque bilis, aut sanguis, dulcior benigniorque vnquam extitit: nec adeps à solo frigore non concrefcens τὸ θυμὸν τὸ θυμὸν τὸ θυμὸν in vetustis gulæ proceribus, quàm in huius ætatis lurconibus copiosior enituit.

*Ergo mundus non senescit.*

Proponebat Lutetiæ IOANNES GISSE, Remensis. A. R. S H M. DC. XLII.

DOMINI DOCTORES DISPV TATV RI.

M. Martinus Akaia Prof. Reg.

M. Nicolans Cappon.

M. Guillel. de Vailly.

M. Durandus Franciscus Yon.

M. Nicolaus Richard.

M. Claudius Gernais.

M. Leo le Tonrneurs.

M. Petrus le Mercier.

M. Franciscus Guenault.

